

Broj: 01-1-1092/26

Datum: 22.7.2026.g

## ZAPISNIK SA 5. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 30.6.2026. godine (utorak) u poslovnoj zgradi Biblioteke, u ulici Mis Irbina br. 4,  
s početkom rada u 16.30 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatirajući prisustvo sastava Upravnog odbora kako slijedi:

- Aida Čupović, predsjednica Upravnog odbora
- Šabanović Samira, članica
- Džakmić Jasmina, članica
- Midhad Kurtović, član ispred ustanove
- Rešidović Lejla, opravdano odsutna.

Sjednici prisustvuje Esma Bajraktarević-Rožman, predsjednica sindikalne organizacije JU Biblioteka Sarajeva. Zapisnik vodi Ajla Janjoš, Voditelj službe za pravne poslove.

Predloženi Dnevni red jednoglasno je usvojen i glasi:

1. Razmatranje i usvajanje Zapisnika sa 4. redovne sjednice Upravnog odbora JU „Biblioteka Sarajeva“ održane dana 25.5.2026. godine  
**Prilog: Zapisnik sa 4. redovne sjednice Upravnog odbora;**
2. Prigovori radnica Rašidović Aide na Rješenje br. 06-2-796/26 od 1.6.2026. godine, Bukal Vesne na Rješenje br. 06-2-797/26 od 1.6.2026. godine i Đuzel Aide na Rješenje br. 06-2-798/26 od 1.6.2026. godine  
**Prilog: Prigovor radnice Rašidović Aide, br. 04-888/26 od 12.6.2026. godine, Bukal Vesne br. 04-887/26 od 12.6.2026. godine i Đuzel Aide br. 04-886/26 od 12.6.2026. godine sa prilogima (kopija rješenja direktora, kopija rješenja/uvjerenja NUBBiH o sticanju stručnog zvanja, kopija prvobitnog zahtjeva za usklađivanje);**
3. Prigovor kandidata Mehmedović Maše na Obavijest o prijemu u radni odnos na neodređeno vrijeme sa Listom uspješnih kandidata  
**Prilog: Prigovor kandidata Mehmedović Maše;**
4. Razno.

### Ad. 1

Razmatranje i usvajanje Zapisnika sa 4. redovne sjednice Upravnog odbora JU „Biblioteka Sarajeva“ održane dana 25.5.2026. godine, **jednoglasno usvojen.**

### Ad.2

U odnosu na Prigovore radnica Rašidović Aide na Rješenje br. 06-2-796/26 od 1.6.2026. godine, Bukal Vesne na Rješenje br. 06-2-797/26 od 1.6.2026. godine i Đuzel Aide na Rješenje br. 06-2-798/26 od

1.6.2026. godine, Upravni odbor je donio Zaključak br. 01-1-988/26 kojim se odgađa donošenje konačne odluke po navedenim prigovorima do dobivanja zvaničnog stručnog mišljenja i saglasnosti resornog Ministarstva kulture i sporta Kantona Sarajeva. Kompletan spis predmeta — uključujući prigovore radnica, prateću dokumentaciju, Pravilnik o unutrašnjoj organizaciji i sistematizaciji radnih mjesta i Pravilnik o platama i drugim naknadama u JU Biblioteka Sarajeva — prosljeđen je Ministarstvu na nadležno postupanje, očitovanje i davanje smjernica. Budući da navedeni zaključak ima karakter procesnog rješenja kojim se postupak odgađa do rješavanja prethodnog pitanja, protiv njega nije dopuštena posebna žalba niti se može pokrenuti upravni spor. Zakonitost ovog zaključka radnice će moći pobijati naknadno, u okviru pravnog lijeka protiv konačne odluke Upravnog odbora o samim prigovorima.

#### **Ad.3.**

*Midhad Kurtović*, član Upravnog odbora ispred Ustanove je postavio pitanje Voditelju službe za pravne poslove i to: Može li regularnost konkursne procedure narušiti to što u članu 21. Pravilnika o radu JU Biblioteka Sarajeva još uvijek stoji da je poslodavac dužan "za nadzor nad provođenjem oglasa" angažovati supervizora?

Voditeljica službe za pravne poslove, Janjoš Ajla je navela da se regularnost konkursne procedure ne može narušiti, bez obzira što još u Pravilniku o radu JU Biblioteka Sarajeva stoje članovi u vezi sa supervizorom, obzirom da se nigdje u Javnom oglasu nije pozivalo na institut supervizora, koji je ukinut izmjenom Uredbe o postupku prijema u radni odnos u javnom sektoru na teritoriji Kantona Sarajeva iz 2024. godine.

*Gospodin Kurtović* je također pitao i da li se član 16. stav (3) Pravilnika o radu JU Biblioteka Sarajeva odnosi na stepen stručne spreme kandidata ili na stepen stručne spreme koji je propisan za radno mjesto za koje se raspisuje konkurs?

Voditeljica službe za pravne poslove, Janjoš Ajla je odgovorila da je Komisija imenovana u skladu sa članom 8. Uredbe o postupku prijema u radni odnos u javnom sektoru na teritoriji Kantona Sarajeva ("Službene novine Kantona Sarajeva", broj: 19/21, 10/22, 28/23 i 32/24) i članom 16. Pravilnika o radu JU „Biblioteka Sarajeva“ Sarajeva broj: 01-1-546/23, odnosno da članovi Komisije moraju imati najmanje isti stepen stručne spreme kao i kandidat za čiji je prijem u radni odnos objavljen javni oglas, što znači da se navedeni član odnosi na stručnu spremu propisanu za radno mjesto.

Po prigovoru kandidata Mehmedović Maše na Obavijest o prijemu u radni odnos na neodređeno vrijeme sa Listom uspješnih kandidata, Upravni odbor je nakon razmatranja istog donio odluku kojom se odbija prigovor kandidata Maše Mehmedovića na Obavijest o prijemu kandidata u radni odnos broj 01-4-901/26, u dijelu koji se odnosi na kršenje procedure zbog neprisustva supervizora i kršenja članova 13. i 14. Uredbe, kao neosnovan, dok se odbacuje prigovor imenovanog u dijelu koji se odnosi na zahtjev za izmjenu Pravilnika o sistematizaciji radnih mjesta JU "Biblioteka Sarajeva" i drugačije vrednovanje akademskih kvalifikacija u postupku pravne zaštite kandidata po javnom oglasu, kao nedopušten.

#### **Ad.4**

Pod tačkom Razno nije bilo prijavljenih za diskusiju.

#### **ZAKLJUČCI:**



- Dnevni red, jednoglasno usvojen;
- Zapisnik sa 4. redovne sjednice Upravnog odbora JU Biblioteka Sarajeva održane dana 25.5.2026. godine, **jednoglasno usvojen.**
- Prigovori radnica Rašidović Aide na Rješenje br. 06-2-796/26 od 1.6.2026. godine, Bukal Vesne na Rješenje br. 06-2-797/26 od 1.6.2026. godine i Đuzel Aide na Rješenje br. 06-2-798/26 od



1.6.2026. godine, odloženo donošenje konačne odluke po navedenim prigovorima do dobivanja zvaničnog stručnog mišljenja i saglasnosti resornog Ministarstva kulture i sporta Kantona Sarajevo. Kompletan spis predmeta prosljeđen je Ministarstvu na nadležno postupanje, očitovanje i davanje smjernica.

- Prigovor kandidata Mehmedović Maše na Obavijest o prijemu u radni odnos na neodređeno vrijeme sa Listom uspješnih kandidata , donesena Odluka kojom se prigovor odbija kao neosnovan u jednom dijelu, dok se u drugom dijelu odbacuje kao nedopušten.
- Pod tačkom Razno nije bilo prijavljenih za diskusiju.

**Sjednica je zaključena u 18.00 sati.**



Ajga Cupovic, prof.